

續修徐氏家譜

戊申三月
壽堂氏

族譜目錄

上冊

族譜原叙

初次續修族譜叙

凡例

敕誥

宗圖

待印

恩賚記

家訓

瑩圖

續修徐氏家譜

目錄

中冊

世系表

下冊

事實

列傳

行述

墓志

墓表

書後

誌記

族譜原序

宗法廢而後譜牒興譜所以收族也前代爲譜式者有歐蘇二家歐公仿史記表上下旁行自高祖訖元孫五世而更起蘇氏則全本大傳以爲惟大夫得爲大宗故譜法皆從小宗自高祖以上親盡則不載所謂五世則遷是也歐之法簡而易明遞衍之可至於無盡蘇之法亦可至無盡然惟嫡子得世繼其支庶必各自爲譜此在三代時大夫士皆有廟故事可行若後世行之則不免於煩且散故今之爲譜者皆從歐氏同年徐晴圃學士作族譜成來屬予序予考徐氏系出伯益歷夏殷至周穆王時有偃王者以行仁義民歸往稱獲符瑞穆王伐之王走死其後嗣仍世其國逮春秋

之末而吳滅之於是子孫散處四方以國爲氏孟子弟子有徐辟莊子書有徐无鬼其在齊則有徐公見戰國策有徐伯見史記河渠書在宋有徐子著書四十二篇又臨淮人徐少季作老子經說並見漢書藝文志在燕則有徐樂與嚴安同上書者儒林傳又有虢徐敖膠西中尉徐偃免中徐公魯徐生琅邪徐良蓋徐氏所在皆有其支系世莫能詳天津之徐出吾浙鄞縣鄞之徐在繞湖橋者聞子姓極蕃衍今其譜亦不可見明季有諱鍾麟者實始由鄞徙大興至再傳乃徙天津自鍾麟公至學士凡五世其前既不能知故譜以所知者爲始從蘇氏也傳云別子爲祖注謂公子若始來在此國者後世以爲祖若之言及也始來在此國者如鍾麟公

是矣則於禮經實亦大協至其以世爲次則仍從歐氏譜後各爲小傳使先世行誼功業藉以不湮亦歐例也先之以制敕者所以志國恩也繼之以墓圖者所以防侵越也既又述先人遺意爲家訓十二則以示子孫永永法守卷帙不多而義例森然備矣嗚呼吾所見譜多矣選選取前史名位烜赫有令譽者推崇之以爲其祖及詳覈事蹟多誕妄不實夫人他事猶不容苟况其所自出乎宋時有以狄梁公畫像獻狄武襄者曰此公祖也武襄謝之曰一時遭際安敢自附梁公齊高帝旣祖鄧侯又祖望之徒爲後人媼笑則不如其已矣予故服膺學士斯譜之作而因備論之也賜進士及第誥授光祿大夫經筵講官都察院左都御史加

四級歸安姚文田序

族譜原序

嘗讀蘇氏族譜引曰親盡無服則塗人也吾所與相視如塗人者其初兄弟也兄弟其初一人之身也旨哉言乎吾家世居浙江寧波府鄞縣之繞湖橋聚族繁衍明季高祖諱鍾麟公年未及冠隻身北遷於大興迨祖源長公始徙居天津至圻已五世矣幼時先大夫訓余曰汝高祖由南移北族譜未攜迄今故鄉族衆南北遙分汝祖暨吾昆季又未獲前往追欽汝輩當留意焉圻敬聆庭訓刻未敢忘乃忽忽四十餘年未償素願若再事因循恐高祖以下事迹亦湮沒漸不可考日後必致有服之親視如塗人厥咎更重適道光三年癸未春奉 命來京 簡授內閣侍讀學士退食餘

閒足資編輯因囑本支長房大姪基先爲草創稿本卽以北遷高祖爲始祖法蘇氏譜以所知爲始之意秋閒稿成寄京復加改定甲申夏付之梓人留備家乘庶開卷了然咸知篤於一本之誼卽使親盡無服亦不至視如塗人用副先大夫之意至建祠立田爲久遠計尙須俟諸異日五世孫圻謹序時道光四年歲次甲申夏六月

續修族譜序

家之有譜所以敬宗收族也窮源溯本在創修補缺訂殘在續修吾家舊譜自中丞公創修後迄今四十餘年瓜縣椒衍遷徙靡恒則譜宜續修也亟矣塋少孤失學於先德留貽未獲仰承萬一事關宗族者固罔敢一日或忘壯歲飢驅奔走稍能自立門戶又以筆硯久荒幾欲續修未遑卒業茲年越八旬竊幸耳目聰強精力尙堪編輯若再不續修積時愈久稽考愈難後嗣將有源流莫辨者爰於光緒乙亥之歲命兒輩各房採輯屏派別支分手爲排比積一年又六月彙輯成編佚者闕之視舊譜詳審周密誠遠不逮而數十年未竟之緒規模雖具亦差足慰焉所願後之人隨時

筆記懷遵先訓十年一修尤願念我祖宗世傳忠厚砥行礪名以丕振家聲俾東海芳型永永無極又不僅代遠年湮免抱闕佚之憾時光緒三年歲次丁丑夏六月六世孫塋謹序

先榮祿公自光緒乙亥續修族譜命士鋈採輯津郡各房八房銓採訪宦豫各房晨夕排輯已於丁丑歲寫有定本製此序言命士鋈重繕副本卽擬開刊乃戊寅之春先公遽爾見背庚辰夏又遭李太宜人大故士鋈亦顛沛流離未敢率爾執筆謹藏篋衍倏逾六年至癸未甲申閒始復敬謹鈔錄而其閒宦迹科名生卒年月增易積多士鋈恪遵前例一一補輯痛念先榮祿公生平敦宗睦族刻不能忘而於族譜續修

尤所亟亟乃續輯已就未見成書士鋆敢不祇承先志急付
手民而撫卷愴然不禁涕淚之交頤矣男士鋆識

續修族譜序

家之有譜猶國之有史譜也者尊祖敬宗報本反始延其緒於無窮也津門徐氏爲北直名族其先世出於顓頊自東海公受封於徐因以爲氏逮及春秋爲吳所滅子孫散處四方降及有明有家於浙之鄞縣者諱鍾麟公始遷大興再傳徙津邑累世積善賢良代興至中丞公諱忻敬歷中外益振家聲其官學士時始手訂家譜以鍾麟公爲北遷始祖繁衍宗支青紫甚盛譜刊於道光四年歸安姚公文田爲之序又越數十年有竹士先生諱墀公中承公之猶子也承先業於將墜整門閥而一新大德耆年里黨稱頌固徐氏之中流砥柱也光緒乙亥年逾八旬精神強固慨然以續修

族譜爲已任稿本已成手自爲序未及付手民今哲嗣漢澄中翰將刊行之命序於余余與徐氏舊姻垂六十餘年不敢以謏陋辭徐氏吾母蔣太夫人之外家也竹士公爲吾母之舅氏猶記廿餘年前謁公於津第鳩杖雍容童顏鶴髮其待戚黨後生小子和氣春風藹然一室爲人謀皆懇切肫摯如己事獎勵後進聲譽不倦德意所流有使人感動而不自知者嗟夫今之世家大族其祖父創業艱難不數傳而及其子孫赫濯之門庭或變而爲茂草矣竹帛之勳舊或遷流於式微矣業且不能守又遑問其宗族譜系哉今徐氏瓜縣椒衍世濟其美津郡故舊之家不數數覲以余自幼而壯而齒漸衰四十年中凡謁徐氏長者雖出處不同要皆以仁

厚延其世澤於以知徐氏福德方且無量古稱善人獲報者其於尊祖敬宗報本反始之義必可歷久而無缺失世臣喬木美蔭方新故不待外人之頌禱揄揚也光緒十三年秋八月

賜進士及第 誥授通奉大夫湖北按察使司按察使山右溫忠翰謹序

謹按氏族通譜

徐東海商音顓頊之裔嬴姓伯益之後封於徐子孫因氏

凡例

一族譜所以明宗派也吾家世系自高祖以前舊譜存之浙中世遠年湮不及追述曾祖單傳祖兄弟二人伯祖有子無孫以面堂六伯第三子熙甫七兄承繼譜列老長支老二支以分宗派至排行原係自幼排定譜內俱照舊從實開載

一過繼立嗣所以延本支也譜內凡婚娶者俱有繼或未婚娶而成名及單傳者亦俱有繼

一譜繪塋圖所以重祭典而防侵佔也譜內將京師之白雲觀盆兒衚衕鄞縣會館天津之葛沽南港荆條窪及各房自置塋地俱繪圖註明葬次並地畝四至俾有稽考

一譜內自高祖以下或孝友素著或學問優長或有政績於世或有勤勞於家俱附列事實以垂不朽

一譜列家訓所以守先人之良規也自吾祖徙居天津支派蕃滋益當恪守家法勿替家聲謹於幼時習聞祖父遺訓編錄十二條爲後人法守

一不肖者削除譜籍所以爲後人戒也吾家支派日繁誠恐賢愚不一倘有干犯名義者應於譜內削除庶交相警戒勉效淳良

一譜擬十年一修所以防疏漏也族支繁盛十年內各支之婚喪嫁娶物故添丁尙易稽考仍須各房隨時自記十年後各房有修輯之人逐支收取易於纂訂願勿忽也五世孫所謹誌

續修凡例

一舊譜首列 天章所以誌 恩遇也我族生齒日繁登仕版者代不乏人 誥勅所頒不可勝紀前譜已刊存者悉仍其舊續修概不增入

一舊譜已婚娶已成名者俱有繼比年散處而居有應立嗣者亦未能互相議繼故續修凡有繼者書之未繼者缺以俟補

一舊譜必成丁立繼方按支序入其有舊譜業已書名而並未成丁者續修亦不載入遵舊例也

一舊譜自北遷始祖以來中丞公俱附列事實以垂不朽厥後人才蔚起事功學業各著所長惟墀年已耄老四十餘年之事不能

一時追憶僅將史傳碑誌序文略載一二餘者囑各房自輯應俟送到再爲補刊

一舊譜自三世分列老長支老二支老長支學洙公無子以二支六房燭公爲孫老二支學淵公後四世兄弟六人厥後人丁繁衍以老二支爲尤盛茲於老二支後分列六房按次排續庶使閱者一覽而知焉

一續修所載原名皆係已見於舊譜或曾有科第官階者其餘皆就現行之名書之間有原名一概不載

謹按我族舊譜中丞公手定凡例七條法戒嚴明續修者允宜恪守以上六條皆以失修日久不能悉遵特爲標出餘者仍依

舊例願後人守之勿替焉六世孫墀敬誌

續修徐氏家譜

上册

十一

天承運 奉

皇帝制曰任使需才稱職志在官之美馳驅奏效報功膺錫類之仁爾徐學淵乃直隸廣平府磁州教諭管訓導事徐汝槐之父雅尚素風長迎善氣弓冶克勤於庭訓箕裘丕裕夫家聲茲以覃恩貤贈爾爲修職郎直隸廣平府磁州教諭管訓導事錫之勅命於戲肇顯揚之盛事國典非私酬燕翼之深情臣心彌勵制曰奉職無愆懋著勤勞之績致身有自宜酬鞠育之恩爾張氏乃直隸廣平府磁州教諭管訓導事徐汝槐之母淑範宜家令儀昌後早相夫而教子俾移孝以作忠茲以覃恩貤贈爾爲八

續修徐氏家譜

上冊

十一

品孺人於戲貴象服之端嚴誕膺鉅典錫龍章之渙汗永播徽音

乾隆四十二年五月初二日

奉

天承運

皇帝制曰任使需才稱職志在官之美馳驅奏效報功膺錫類之仁爾徐廷楓乃江西吉安府萬安縣縣丞徐然之父雅尙素風長迎善氣弓冶克勤於庭訓箕裘不裕夫家聲茲以覃恩貤封爾爲修職郎錫之勅命於獻肇顯揚之盛事國典非私酬燕翼之深情臣心彌勵

制曰奉職無愆懋著勤勞之績致身有自宜酬鞠育之恩爾孟氏乃江西吉安府萬安縣縣丞徐然之母淑範宜家令儀昌後早相夫而教子俾移孝以作忠茲以覃恩貤贈爾爲八品孺人於

續修徐氏家譜 上冊

十三

戲賁象服之端嚴誕膺鉅典錫龍章之渙汗永播徽音

乾隆五十五年正月初一日

奉

天承運

皇帝制曰寵渥朝章錫類不遺於一命祥開家慶貽恩爰及夫重
闡爾徐學淵乃內閣中書加一級徐忻之祖父弓裘衍澤瓜瓞
縣庠作述相承再世式彰其祖武淵源有自一經早裕夫孫謀
茲以覃恩貽贈爾爲文林郎錫之勅命於戲舊德宏昭用廣顯
揚之志新綸時賁永增泉壤之光

制曰禮由義起宏孝治於中閨命自天申賁榮絲於大母爾張氏
乃內閣中書加一級徐忻之祖母德懋蘭儀光生槐里珩璜作
則式垂淑慎之型荇藻流芬丕振光昌之緒茲以覃恩貽贈爾

續修徐氏家譜

上冊

十四

爲孺人於戲鸞書煥采合彤史以揚休象服增輝荷雲章而永
慶

嘉慶元年正月初一日

奉

天承運

皇帝制曰宣猷服采中朝抒報國之忱錫類殊恩休命示酬庸之典爾徐齡椿乃內閣中書加一級徐忻之父令德踐修義方夙著詩書啓後用彰式穀之風弓冶傳家克作教忠之則茲以覃恩封爾爲文林郎錫之勅命於戲篤生杞梓之材功歸庭訓丕煥絲綸之色榮播天章

制曰壺教凝祥懋嘉猷於朝立國常布惠揚休命於庭闈爾沈氏乃內閣中書加一級徐忻之母勤慎宜家賢明訓後相夫以順含內美於珩璜鞠子有方樹良材於楨幹茲以覃恩封爾爲孺

續修徐氏家譜

上冊

十五

人於戲昭茲令善之聲榮施勿替食爾劬勞之報慶典攸隆

嘉慶元年正月初一日